

SARS E THWALA BAŠOMEDI BA GO FETA 700 BAO BA BEGO BA ŠOMA BJALE KA BAHLEKIŠI BA GO THWALWA KA KONTRAKA

16 Setemere 2020, Pretoria – Ba Ditirelo tša Motšhelo tša Afrika Borwa (SARS) ba tšere magato Ao a sa tlwaelegago ka go thwala bašomedi ba go hlwekiša ba go feta 700 , bao peleng ba bego ba le ka fase ga kontraka, bjale ka bašomi ba go ya go ile.

SARS mengwageng ya go feta e be e na le kontraka le ditirelo tša go hlwekiša bakeng sa diofisi tša yona, eupša ka lebaka la gore kontraka e fela ngwaga ka ngwaga, setheo se phethagaditše protšeke go tiišetša gore bašomi ba go hlwekiša ba thwalwa go ya go ile. Tlhomo ye etlo itemogela bašomi ba go hlwekiša ba 769 ba go tsenela direnke tša bašomi ba SARS go tloga ka la 31 Oktobore 2020.

Ka go tlhalosa sephetho se, seo se tlhobaetšago mokgwa wa setlwaedi wa go kontraka ditirelo tše “e sego tša pele”, Khomišinare Kieswetter o hlalosa gore: “Ka nako tše dingwe go tloga go kwešišega go ya ka kgwebo go ba le kontraka bakeng sa ditirelo tše dingwe, bjale ka dinolofatši tša go hlwekiša le tšhireletšo, ga se boleng bjo bo kaone ka mehla go bašomi. E rile ge re lekodiša ditirelo tše, ra lemoga gore dinyakwa tša rena tša phokotšego ya sekgoba sa ofisi di tla lebiša go phokotšego ya ditirelo ka palo e nnyane ya batho, gape go ya le gore ke moreki ofe yo a tšwelelago gomme a fetša a thwetšwe, gomme se se kaba le kamano mpe ya palo e kgolo ya bašomi gape se se ka tlhakatlhakantšha yo mongwe le yo mogwe yo a amegago.

“Gape re be re nyaka go dira gore bašomi ba dudišege ba ikwe ba le gae, ka mešego fela ka ge ba šometše SARS, eupša kudu bakeng sa kontraka ya semmušo ya mešomo. Peakanyo e empsha e fana ka tiišetšo ya mošomo le seriti se segolo go batho bao ba amegago. Go thulaganyo ya sephetho s arena, gape re lemogile gore palo ya bašomedi ba go hlwekiša e etloga e le palo ya batho ba go rutega, gomme ba na le bokgoni, go ya ka tlhahlo, go tšwetšwapele, gomme ba fiwe sebaka sa go gola go ya ka maitemogelo a boiphedišo mešomong ka SARS, eupša ba kgone go hwetša mešomo le ka ntle ga SARS. Mo nageng ya maemo a godimo a hlokego ya mošomo, re be re ka se kgone go diegiša sephetho seo se ka bego se amile batho ba go feta ba 300 bao ba ka bego ba hloka mešomo. Ke tloga ke kgotsofetše gore re kgone go kaonafatša tebelelo ya batho bao ba amegilego ntle le ditshenyagelo tša tlaleletšo go SARS.”

Bašomi bao ba šupeditšwego tšwetšopele ya dithuto ba tla tlhahlwa go dikarolo tše dingwe tša SARS gomme ba tsenywa go dikgoba tše di lego gona, go setheo, fao ba ka itšwetšago pele ka dithuto tša profeshene.

Ka maemo a mo nageng a hlokego ya mešomo, SARS e ikwa motlotlo ka go tliša pharologano ya diphetogo maphelong a badudi ba Afrika Borwa, bao ba thwetšwego go ya go ile, b aka amogelago dikholego tše bjale ka Sekhwama sa Phensene sa Bašomi ba Mmušo (GEPF), thušo ya kalafi le tšhireletšo ya enšorense ya sehlopha bjale ka palomoka ya dikgoketši.

SARS gape gabjale e šomana le diriša motlhako wa go swana bakeng sa ditirelo tša baleta dikgoro tša rena ntweng ya go tšwetšwapele ya go fokotša tlhokego ya mošomo nageng ya rena.